

• Uvod • Simptomi • Dijagnoza • Liječenje

**Uvod** Poznata i kao bolni tik, neuralgija trigeminusa uključuje poremećaj funkcije nerva trigeminusa (V moždanog nerva) koji nosi osjet iz lica u mozak.

Poremećaj funkcije nerva trigeminusa dovodi do napada teške, prodiruće boli koja traje sekundama odnosno minutama. Neuralgija trigeminusa može zahvatiti odrasle u bilo kojoj dobi, ali je poremećaj češći u starijih. Uzrok je nepoznat.

**Simptomi** Bol se može pojaviti spontano, ali je često izaziva dodir određene tačke (tačka poticanja) ili neka aktivnost kao što je pranje zubi ili žvakanje. Ponavljani napadi usko odijeljenih bljeskova neizdržive boli poput munje može se osjetiti na bilo kojem dijelu donjeg dijela lica. Najčešće se bol osjeća na obrazu koji je bliži nosu ili u području čeljusti. Budući da se ponavlja i do 100 puta dnevno bol može osobu potpuno onesposobiti.

**Dijagnoza** Pr emda ne postoji specifična pretraga za otkrivanje neuralgije nervus trigeminusa, njena znakovita bol olakšava doktoru postavljanje dijagnoze. Doktori uzimaju u obzir i druge moguće uzroke boli lica kao što su bolesti čeljusti, zubi ili sinusa ili pritisak nerva trigeminusa tumorom ili aneurizmom.

## Liječenje

Budući da su navale boli kratke i da se ponavljaju, uobičajena sredstva protiv boli obično nisu od pomoći, ali mogu koristiti drugi lijekovi, naročito neki protiv epileptičnih napadaja tj. antiepileptici (koji "smiruju" nervne membrane). Obično se najprije pokuša karbamazepinom, ali ako karbamazepin ne djeluje ili stvara teške nuspojave, može se propisati fenitoin. U nekim slučajevima pomažu i baklofen i nekoliko lijekova protiv depresije. Česta su spontana popravljanja, ali navale bolesti se često vraćaju u širokim razdobljima.

Neuralgija trigeminusa ponekad nastaje kada neka arterija koja nije na svom mjestu pritišće nerv na granici sa mozgom. U takvim slučajevima operacijom se može odijeliti arteriju od nerva i olakšati bol barem tokom nekoliko godina. Ljudima sa boli koju ne olakšavaju lijekovima koji ne bi bili dobri kandidati za operaciju, da se napraviti pretraga pri kojoj se u nerv injicira alkohol da mu privremeno prekine funkciju. Ako to olakša bol, nerv se može prerezati ili trajno uništiti injiciranjem nekog lijeka. Takvi postupci često uzrokuju nelagodu u licu i treba ih smatrati posljednjim izlazom.